

板貞治  
禪林類聚  
八

禪林類聚卷第八

雍熙禪寺住持嗣祖比丘道泰天寧禪寺首座比丘智境集

經教

看經

講經

論義

祖偈

經教

世尊滅後諸聖弟子於毘鉢巖中結集法藏阿難既陞座  
形儀與佛無殊大眾遂生三疑一疑阿難成佛二疑佛再  
現身三疑他方佛化阿難唱云如是我聞眾疑皆息  
五祖演云當時若有箇漢出眾云大眾依而行之各自  
散去免見滿藏琅函攬入腸肚然雖如是猶未勦絕在  
何也阿難道如是我聞白雲也道如是我聞若道當時  
是重古輕今若道即今是重今輕古要會麼優曇花不



開跡絕無香氣

經首題八字

地藏琛僧問以字不成八字不是未審是甚麼字琛云  
看取下註脚 披雲寂因僧問寂以頌答云以字不成  
八不是森羅萬象此中明直饒巧說千般妙不是謳歌  
不是經

羅漢南頌云以字不成八字非滿琅函載絕毫釐看經  
到此須開眼玉軸分明兩畔題 雲居祐云我佛金言  
義海深開遮唯要悟真心首標妙在當頭割密使泥牛  
曉夜吟 地藏恩云拈起題摸不著却看下頭註脚了  
知字義炳然大藏潛通廣畧 徑山杲云以字不成八  
字非標迦羅眼不能窺一毛頭上重拈出忿怒那吒失

棧二一未

却感 覺範洪云以字不成八字不是法身睡著無遮  
閉初僧對面不知名百萬人前呼不起

楞嚴經云佛告阿難云吾不見時何不見吾不見之處若  
見不見自然非彼不見之相若不見吾不見之地自然非  
物云何非汝

雪竇顯頌云全象全牛意不殊從來作者共名模如今  
要見瞿曇老剎剎塵塵在半途 佛心才云雲收空闊  
天如水月載姮娥四海流慚愧牛郎癡愛叟一心猶在  
鵲橋頭 佛鑑勸云說離百非存軌則言無一法尚空  
易毗耶默默曾緘口摩竭寥寥鎮掩扉 白雲端云堂  
前露柱久懷胎長下孩兒頗俊哉未解語言先作賦一  
操直取狀元來 湛堂準云老胡徹底老婆心為阿難

陸意轉深韓幹馬嘶芳草渡戴嵩牛臥綠楊陰

楞嚴經佛謂阿難曰若能轉物即同如來

白雲端頌云若能轉物即如來春暖山花處處開自有

一雙窮相手不曾容易舞三臺真如詰云若能轉物

即如來處處門開見善財花柳巷中呈舞戲九衢承醉

卧樓臺佛心才云毛吞巨海芥納須彌乾坤大地直

下同歸一氣不言含有象萬靈何處謝無私徑山杲

云若能轉物即同如來咄哉瞿曇詎諍癡哉

楞嚴經佛謂阿難云見見之時見非是見見猶離見見不

能及

鼓山珪頌云拄杖頭邊無孔竅大千沙界猶嫌少毗婆

尸佛早留心直至而今不得妙海印信云見不及處

江山滿目不認鐵毫花紅柳綠白雲出沒本無心江海

滔滔豈盈縮徑山杲云春至自開花秋來還落葉黃

面老瞿曇休搯三寸舌

楞伽經云五法三自性二種無我

鼓山珪頌云破餅豈復作餅事焦種不應上糞芽如彼

虛空槃天子毛輪垂髮翳開花徑山杲云陝府鐵牛

白瀨嘉州大象耳曠兩箇病痛一般咄哉漆桶不快

楞嚴經云妙湛總持不動尊首楞嚴王世希有銷我億劫

顛倒想不歷僧祇獲法身

五祖演云大眾若作禪會則謗經若作經會則謗禪若

作一團則能侗有人跳得日銷萬兩黃金若跳不得有

處者你在

楞嚴經云若能推底是汝心則認賊為子

修山三云若能推底不是汝心則認賊為子 太直覺云如今推也是子是賊買帽相頭食魚去膏

楞嚴經云一人發真歸源十方虛空悉皆消殞 石相聲

五祖演云一人發真歸源十方虛空業者磕著 佛性

泰云若是德山即不然一人發真歸源十方虛空只是

十方虛空

楞嚴經七處徵心

東林顏頌云七處徵心款便成推窮尋逐案分明都緣

家賊難防徧撥亂乾坤見太平

楞嚴經八還辨見

東林顏頌云明暗色空不可還不可還者絕躋攀夾截

虛空成畔岸一重水隔一重山

楞嚴經富樓那問佛清淨本然云何忽生山河大地

琅琊覺云山僧即不然清淨本然云何忽生山河大地

薦福信云先行不到末後太過 五祖演云金屑雖貴

落眼成緊 佛眼遠云既生山河大地如何得復清淨

本然既復清淨本然云何却見山河大地大眾如何即

是良久云水自竹邊流去冷風從花裏過來香好大奇

歸堂

白雲端頌云混混玲瓏無背面拈起有時成兩片且從

依着却相當先被傍人來覩見 佛鑑勲云因風吹火

袋為妙借手行拳未足多清淨本然隨口道忽生大地

與山河 大洪遂云當明不犯體全彰進步剛然三論

量妍醜只因逢古鏡回頭滿面負慚惶 天童覺云見  
有不有翻手覆手琅琊山裏人不落瞿曇後 東林頰  
云清淨本然徧法界山河大地即皆現性覺必明認影  
明眼耳便隨聲色轉

楞嚴經云此大講堂洞開東方日輪昇天則有明耀中夜  
黑月雲霧晦暝則復昏暗戶牖之際則復見通牆宇之間  
則復觀塵分別之處則復見緣頑虛之中徧是空性變動  
之象則行空塵澄霽斂氛又觀清淨

雪竇顯云桶槐釋迦老子說甚還與不還文殊堂裏高  
菩薩到處覓不得元來總在這裏靈利漢一見便請拗  
折拄杖

圓覺經佛謂清淨慧菩薩曰居一切時不起妄念於諸妄

心亦不怠滅住妄想境不加了知於無了知不辨真實

黃龍心頌云黃花漠漠翠竹珊珊嶺南地暖塞北地寒  
遊人去後無消息留得溪山到老看 鼓山珙云舉手

攀南斗翻身倚北辰出頭天外看誰是我般人 天童

覺云巍巍堂堂磊磊落落開處刺頭穩處下脚脚下線  
斷我自由鼻端泥盡看休斷莫動著千年故紙中台藥

徑山杲云荷葉團團似鏡菱角尖尖似錐風吹柳  
絮毛毬走兩行梨花蚊蝶飛 正堂講云張果老踏破

葫蘆呂洞賓失去寶劍兩箇撒手相逢囊篋更無一線  
何偈姓鐵笛橫吹解道長江淨如練

圓覺經云一切眾生妄認四大為自身相六塵緣影為自  
心相

楞云一一未住斯則  
隨順  
覺性

琅琊覺云且問諸仁者在眼曰見在耳曰聞在鼻嗅香  
在舌知味在手執衣在足運奔亦不喚作眾生亦不喚  
作佛性你且道喚作甚麼良父云香塵含悲接拄杖佈  
山撲破為山鏡

圓覺經云不出輪迴而辨圓覺彼圓覺性即同流轉  
亦庵一云直鏡出得輪迴彼圓覺性亦未先即同流轉  
你且道利害在甚麼處鴛鴦綉出從君看不把金針度  
與人

圓覺經云種種幻化皆生如來圓覺妙心

聖賢顯舉至圓覺處云住住三世諸佛是幻六代祖師  
是幻天下老和尚是幻復拈拄杖云拄杖子亦是幻那  
箇是圓覺良父以拄杖擊禪牀一下云幻出大眾接議

乃云這一隊漆桶總無孔竅 黃龍心云三世諸佛是  
幻一大藏教是幻達磨西來是幻天下老和尚是幻乃  
至乾坤大地日月星辰無不是幻作麼生是妙心良父  
云鴛鴦綉出從君看莫把金針度與人

圓覺經云知幻即離不作方便離幻即覺亦無漸次

黃龍心云釋迦老子千門萬戶一時擊禪堂利漢漢聞  
舉著捺起便行石更躊躇君性西秦我之東魯

維摩經云其施沒者不名福田供養沒者墮三惡道

松源云云還見維摩心肝五臟麼移花兼蝶至買石得  
雲鏡

保靈竟領云無邊無際休斟酌廟去潮來本自平清濁  
淺深并苦淡一般滋味迥分明 徑山杲云獨坐許誰

知青山對落離花須連夜發不待曉風吹 鼓山珪云  
入林不動草入水不動波鑊湯無冷處合眼跳黃河  
維摩經云不斷煩惱而得涅槃

白雲端須云朝生暮死千萬箇一日幾回相見百尺障  
開旗放出來一指動時客感見

維摩經云觀身實相觀佛亦然

或庵體須云眼空四海恣縱橫鼻孔透天信脚行空得  
電光為火把却來日午打三更

法華經云大通智勝佛十劫坐道場佛法不現前不得成  
佛道

白雲端云直饒得現前也未得成佛道何謂如此欲得  
不招無間業莫謗如來正法輪 應庵華云衲僧門下

却較此子且和泥合水一句作麼生道一朝權在手看  
取令行時

保寧黃頌云三際斷時九聖盡十身圓處剎塵周無私  
應物隨高下未過僧祇大劫修 鼓山珪云種穀不生

且苗蒸砂豈能成飯大通智勝如來一箇檐板底漢  
徑山杲云宴坐道場經十劫一一從頭俱漏泄世間多

少守株人掉棒擬打天邊月  
法華經云於三七日中思惟如是事我寧不說法疾入於

涅槃

雲峯悅便喝云當時若有人出來下得這一喝寧却老  
胡咽嗟豈不天下蕭靜四夷蕩蕩而今放開了也是你  
諸人遠皮下有血麼良久云為衆竭力禱出私門草鞋



牀下座

法華經云經書呪術一切文字語言皆與實相不相違背

雲明拈拄杖云這箇是甚麼者道是拄杖入地獄不是

拄杖是甚麼

法華經云諸法寂滅相不可以言宣

雲明云見定如今說語何處有說不說不見道云不到

去來不到來

法華經云假使滿世間皆如舍利弗盡思共度言亦復不

能知

五祖演云尋常衲僧家高推擇迦不拜師勤是會佛者

不會佛智者中有則有只是藏牙伏爪太平有箇見處

不惜眉毛舉向諸人待有人問隨口便答 破庵先云

且畢竟如何是佛智乃云雲子落紛紛烏盆變白盆忽

然日頭出依舊是烏盆

法華經云是法住法位世間相常住

雲明云釋迦老子甚處去也 佛性泰召大家云那箇

是常住底法良父云始逢黃葉落又見一陽生

法華經云我今為汝保任此事終不虛也汝等當勤精進

行此三昧

黃龍南云精進即不無諸人作麼生是三昧良父云迹

葉黃葉不價直百千萬輪王髻中寶不直半分錢

金剛經云一切賢聖皆以無為法而有差別

應庵蓋云應庵也著一隻眼東弗于遠西瞿耶尼南瞻

部洲北鬱單越到處去來不如此

保寧真頌云仁者見之謂之仁智者見之謂之智矣  
向火熱乘涼獲即經行困打睡困打睡仰面看天開口  
取氣 覺海元云一金成萬器皆由匠者智何必畏耶  
城人人說不二

金剛經云若為人輕賤是人先世罪業應墮惡道以今世  
人輕賤故先世罪業即為消滅

雲居雁云動即應墮惡道靜即為人輕賤 崇壽翁云  
心外有法應墮惡道守住自己為人輕賤

雪竇顯頌云明珠在掌有功者賞胡漢不來全無伎倆  
伎倆既無波旬失途瞿曇瞿曇我無復云勘破了  
也 白雲端云水不洗水誰不知旋嵐常靜太驅馳千  
年曆日如能笑免被巡官掌上推 無盡居士云四序

炎涼去復還聖凡只在刹那間前人罪業今人賤倒却  
前人罪業山 大童覺云綴綴功過膠膠因果鏡外在  
奔演若多奴頭擊著破甕隨甕隨石來相賀劫道從前  
孤負我

金剛經云不應住色生心不應住聲香味觸法生心

白雲端云六眾釋迦老子向這裏全身放倒了也又道  
應無所住而生其心有甚救處若救他不得便為不孝  
之子空與他飯向這裏須者近前且道作麼生近前以  
手拍禪牀一下

金剛經云若謂如來有所說法則為謗佛

五祖演云只如一大藏教甚處得來老言無說五千四  
十八卷甚麼處消遣到這裏須是箇人始得還會麼莫

誇四面好

金剛經云若見諸相非相即見如來

法眼云若見諸相非相即不見如來 琅琊覺拈起拄

杖云山僧喚這箇作拄杖子阿那箇是相良父云向下

文長付在來日以拄杖卓一下 天童覺云世尊說如

來禪法眼說祖師禪會得其奇特不會也相許

金剛經云一切有為法如夢幻泡影如露亦如雲應作如

是觀

琅琊覺云先聖可謂誠實之言然雖如是箇會者如麻

似粟

金剛經云我不鉢洗足已敷座而坐

水庵一頌云食訖跏趺坐石牀之間劍氣燭天光幾成多

業識茫茫者衲被蒙頭在醉鄉

金剛經云於是中無實無虛

佛慧泉頌云菩提無實亦無虛幾箇男兒是丈夫丹元

不歸金鸞鷲巖潭空浸玉蟾蜍

金剛經云過去心不可得現在心不可得未來心不可得

或庵體頌云三清道士無僊骨八教闡黎奧蒼言黑漆

豈齋舞華鼓天親無著暗嗟吁

金剛經云應如是知如是見如是信解不生法相

徑山杲舉起拂子云這箇是徑山拂子喚甚麼作法相

法相既不可得又知箇甚麼見箇甚麼信箇甚麼解箇

甚麼復舉起云這箇是法相却喚甚麼作拂子拂子既

不可得如是知如是見如是信解又有甚麼過正當恁

卷六  
廢時轉身一句作麼生道千重百匝無回互六家辭處  
薩婆訶

文殊所說般若經云清淨行者不入涅槃破戒比丘不入  
地獄

相印明頌云養就家欄水牯牛自歸自去有來由而今  
穩卧深處裏秦不管古漢不收 保靈真上平生疎逸

無拘檢酒狂茶坊信意遊漢地不收秦不管又騎驢子  
過揚州 徑山杲云壁上安燈盞堂前置酒臺爾來打

三盞何處得愁來 鼓山珪云鴿白鳥本玄松直棘自  
曲清淨比丘僧却須入地獄

心經云無眼耳鼻舌身意

雲門云為你有箇眼見所以言無不可如今見時不可

說無也然雖如此見一切有甚麼過一切不可得有甚  
麼聲香味觸法

般若經云無二無二分無別無斷故  
雲門指靈柱云與般若經相去多少

華嚴經云我今普見一切眾生具有如來智慧德相但以  
妄想執著而不證得

天童覺頌云天蓋地載成團成塊周法界而無邊折墜  
虛而無內又盡玄微誰分向背錦祖未積口業債問取  
南泉主老師人人只喫一莖菜

楞嚴經云從聞思修入三摩地

應庵華云思是聞之本聞是思之用且道作麼生說箇  
入底道理青原自家三盞酒喫了猶道未沾唇

教中云有諍則生死無諍則涅槃

雲峰悅云直得風行草偃響順聲和不求諸聖不重己

靈無纖芥可留猶是有諍法且作麼生是無諍底法

教中云此見及緣元是善提妙淨明體

雲峰悅云祖師亦云六塵不惑還同已止覺乃云會麼直

饒你向這裏參見祖師了更買草鞋行脚三千里外也

被翠巖換却眼睛了也還有不甘底麼

教中云佛滅度後其為善知識者總是見佛來

歸宗云其為善知識者亦不可輕慢 此庵淨云歸宗

恁麼道大似新婦怕阿家未免隨他舌頭轉殊不知其

為善知識者只是箇瞎漢所觀善知識者如夙世冤家

便好剗却眼睛掀却腦蓋雖然如是未足酬恩

教中云歸源性無二方便有多門聖性無不通順逆皆方便

雲峰悅云還會麼所以道不浪階隨功涉位經有經師

論有論主你道衲僧門下還有這箇消息麼良久云一

言纔出駟馬難追

肇法師云旋嵐偃嶽而常靜江河競注而不流野馬飄鼓

而不動日月歷天而不周

琅琊覺云肇法師與麼道也是平地上陷人山僧這裏

即不然巖前淥水嶺上白雲

肇法師云皆有窮幽之鑒而無知焉神有應會之用而無

慮焉

雲峰悅云古人與麼道也大殺費力爭如諸上座寒即

圓爐向火熱即竹林溪畔坐然雖如是我且問你甚竟  
重作麼生

馮山祐禪師問仰山涅槃經四十卷多少佛說多少魔說  
仰云總是魔說師云已後無人奈子何仰云某甲即一期  
之事行履在甚麼處師云只貴子眼正不說子行履  
投子同禪師偈問一大藏教還有奇特事也無師云有云  
如何是奇特事師云演出一大藏教

黃龍新云投子只知其一不知其二若人問雲巖一大  
藏教還有奇特事也無向祖道有如何是奇特事演入  
一大藏教 南堂靜云大小投子被人一問忙忙惺惺  
只道得箇演出一大藏教元來小僧若是大隋即不然  
今日或有人問大藏教中還有奇特事也無只大四八

體對他道有若更問如何是大藏教中奇特事只向道  
捨財施三寶其福不可量施一得萬倍安樂壽命長  
徑山杲云演出演入則不無二老若是奇特事三生六  
十劫也未夢見在

肇法師云會萬法為己者其唯聖人乎

石頭和尚因看到此乃以手拊几一下云聖人無己靡  
所不已 大覺璉云大小石頭祇向泥裏洗土塊山僧

即不然良久云常愛川原幽隱處滿園花木撼春風

古德云一大藏教是箇切脚未審切箇甚麼字

五祖演云鉢囉娘 圓悟勤云迅雷不及掩耳 曹源

生云二大老與麼切字是即是太殺鄉談忽有問龜峰

一大藏教是箇切脚未審切箇甚麼字只對他道此去

弋陽不遠

投子禪師僧問如何是此經師云維摩法華又問塵中不染文夫兒如何師云不著

雲門云不喚作法身不喚作第一義亦為說法亦為說真空

栢巖禪師僧問如何是教師云貝葉收不盡

丹霞淳頌云四十九年成露布五千餘軸盡言詮妙明一句威音外折角泥牛雪裏眠

洛浦安禪師僧問如何是一大藏教收不得者師云兩滋三草秀片玉本來輝

投子青頌云畢鉢巖花曉帶春香風時結鷲峰層須知玉像餅中塔別有輝天照地燈

浴浦一日因侍者云肇法師製得四論也甚奇恠師云肇公甚奇恠要且不見祖師者無對

法燈代云和尚甚麼處見 雲居錫云甚麼處是肇公不見祖師處莫是有許多言語麼又云肇公有多少言語

睦州蹤禪師僧問以字不成八字不是是何章句師彈指一聲云會麼云不會師云上來表讚無限勝因螻蛄跳上梵天蚯蚓走過東海

同安丕禪師僧問依經解義三廿佛寃離經一字即同魔說此理如何師云孤峰迥秀不掛煙蘿片月橫空白雲自異

丹霞淳頌云雲自向飛水自流海天空闊漾孤舟夜深

不向蘆灣宿迥出中間與兩頭

首山念禪師僧問一切諸佛皆從此經出如何是此經師云低聲低聲云如何受持師云不汙染

投子青頌云水出崑崙山起雲釣人漁父味來因只知洪浪巖巖閣不肯拋絲棄谷聲

洞山聰禪師云一大藏教是箇之字

白雲端頌云點畫分明無道理老胡幾度提不起不如分付王將軍無限風流歸手裏

洞山詮禪師僧問經云清淨行者不入涅槃破戒比丘不入地獄時如何師云度盡無遺影還他越涅槃

丹霞淳頌云相好巍巍大丈夫一生無智恰如愚從來佛祖猶難望地獄天堂豈可拘

曹山本寂禪師問強德二上座菩薩在定聞香象渡河出甚麼經云涅槃經師云定前聞定後聞云和尚流也師云道也太煞道云道得一半云和尚又作麼生師云灘下接取

明招謙禪師到雙巖巖觀師風彩特異乃云某甲置一問問闍黎若道得便捨院與闍黎住若道不得即不捨金剛經云一切諸佛及諸佛法皆從此經出且道此經是何人說師云說與不說拈向那邊著和尚決定喚甚麼作此經巖無對師却舉經云一切賢聖皆以無為法而有差別此則以無為法為極則憑何而有差別且如差別是過不是過若是過一切賢聖盡有過若不是過決定喚甚麼作差別巖亦無對師云雪峰道底



法眼益禪師僧問承教有言從無住本立一切法如何是無住本師云形與未質名起未名

天童覺頌云沒蹤跡斷消息白雲無根清風何色散乾蓋而非心持坤輿而有力洞千古之淵源造萬像之模則刹塵道會也處處普賢樓閣門開也頭頭彌勒

有僧註道德經人問云文響大德註道德經僧云不敢云何如明皇僧無對

法燈代云是弟子

石佛印禪師僧問古人道一大藏教盡是魔說作麼生是佛說師云是佛則不說云爭奈五千卷何師云不是汝分上事云未審是誰分上事師云止止不須說我法妙難思九嶷著禪師僧問大藏教中還有奇特事也無師云有云

如何是奇特事師云展軸光千界開函萬國春

洞山初禪師僧問一切諸佛及諸佛法皆從此經出未審此經從甚麼處出師云一字不著點云如何是一字不著點師云碧眼胡僧笑點頭又僧問一大藏教是箇切脚如何是字母師云瘦子上刀梯

圓悟勤禪師僧問一大藏教阿那箇是頭師云如是我聞云此是阿難底如何是和尚底師云老僧用得甚快

天王徽禪師僧問如何是一大藏教師云高座不曾登云登後如何師云三段不同今當第一向下文長付在來日東家籬西家壁自己分上合作麼生僧無對師便打

張無盡居士因入僧寺見藏經梵夾齊整佛然曰吾孔聖之教不如胡人之書人所仰重夜坐書院研墨吮筆憑紙

長吟其妻向氏呼云官人夜深何不睡去張以前意語之  
正此著無佛論向云既是無佛何論之有當須著有佛論  
始得張疑其言遂已之後訪一同列見佛龕前經卷乃問  
此何書也同列云維摩經張信手開卷閱至此病非地大  
亦不離地大處嘆云胡人之語亦能爾耶遂借歸盡讀向  
氏問看者何書張云維摩經向云可熟讀此經然後著無  
佛論也張異其言由是深信佛乘留心祖道

太宗帝僧乞藏經

現帝

官人註信心銘

現帝

唐相國造起信論章疏

現帝

臣門

張文定公前世書經未了

現帝

楞嚴云十方薄伽梵

現帝

德山燒疏鈔

現帝

### 看經

法達禪師念法華經三千部來謁六祖禮拜頭不至地祖  
愍之示以偈云此今名法達勤誦未休歇空誦但循聲明  
心號菩薩汝今有緣故吾今為汝說但信佛無言蓮華從  
口發復問汝念此經以何為宗師云學人愚鈍但依文誦  
念豈知宗趣祖云汝試念一遍吾為汝說師即念至方便  
品祖云止此經元來以因緣出世為宗乃具說因由示其  
正理師云若然者但得解義不勞誦經耶祖云經有何故  
豈障汝念天為迷悟在人損益由汝聽吾偈云心迷法華  
轉心悟轉法華誦久不明已與義作讎家無念念即正有  
念念成邪有無俱不計長御白牛車師蒙啓發以偈讚云  
經誦三千部曹溪一句亡未明出世旨寧歇累生狂羊鹿

牛權設初中後善揚誰知火宅內元是法中王祖云汝今後方可名為念經僧也

智通禪師看楞伽經約千餘遍而不會三身四智義六祖求解其義祖云三身者清淨法身汝之性也圓滿報身汝之智也千言億化身汝之行也若離本性別說三身即名有身無智若悟三身無有自性即名四智菩提聽吾偈曰自性具三身發明成四智不離見聞緣超然登佛地吾今為汝說諸信永無迷莫學馳求者終日說菩提師云四智之義可得聞乎祖云既會三身便明四智何更問耶若離三身別談四智此名有智無身也即此有智還成無智復說偈云六圓鏡智性清淨平等性智心無病妙觀察智見非功成所作智同圓鏡五八六七果因轉但用名言無實

性若於轉處不留情繫與永處那伽定師禮讓說偈讚云三身元我體四智本心明身智盡無礙應物任隨形起修皆妄動守住匪真精妙言因師曉終亡染汙名

志徹禪師嘗誦涅槃經未曉常無常義問六祖祖云佛比為凡夫外道執於邪常諸二乘人於常計無常共成八倒故於涅槃了義教中破彼偏見而顯說真常真我直淨汝今依言背義以斷滅無常及確定死常而錯解佛之圓妙最後微言縱覽千遍有何所益師忽如醉醒乃說偈曰因守無常心佛演有常性不知方便者猶卷池執磔我今不施功佛性而見前非師相授與我亦無所得祖云汝今徹也亘名志徹

馬祖一禪師一日問西堂云子何不着經堂云經豈異耶

師云然雖如此汝向後爲人也須得世三病思自養敢言  
爲人師云一末年必興於世也

藥山儼禪師看經次僧問和尚尋常不許人看經爲甚麼  
却自看師云我只圖遮眼云某甲學和尚得不師云汝若  
看牛皮也須穿

長慶云眼有何過 玄覺云且道長慶會藥山意不會

### 藥山意

汾陽昭頌云徹底更何疑麪穿會者稀叮嚀猶付囑句  
句是玄機 保寧勇云遮眼誰同藥嶠看牛皮穿透骨  
毛寒五湖四海知多少字密行疎總一般 枯木成云  
門前雖有千山月室內都無一點塵貝葉若圖遮得眼  
須知淨地亦迷人

藥山看經次栢巖云和尚休揉入得也師卷却經云日頭  
早晚云止當午也師云猶有這箇文彩在云某甲無亦無  
師云汝煞聰明云某甲只恁麼和尚尊意如何師云我跛  
跛挈挈百醜千拙且與麼過

龐居士因看經次僧問何不具威儀看云乃翹一足僧無  
語

裴相國入寺見僧看經乃問看甚麼經僧云無言童子經  
裴云有幾卷云兩卷裴云既是無言童子經爲甚麼有兩  
卷僧無對

### 龜山代云若論無言非唯兩卷

道吾智禪師聞僧念維摩經云八千菩薩五百聲聞皆欲  
隨從文殊師利師云甚麼處去僧無對師使打

後僧舉問禾山山代云給侍者方諧

臨濟玄禪師同王常侍入僧堂王問這一堂僧還看經也

無師云不看經云還習禪也無師云不習禪云經又不看

禪又不習究竟作甚麼師云總教成佛作祖去王云金屑

雖貴落眼成翳又作麼生師云我將謂你是箇俗漢

投子別云官人何得貴耳賤目 鏡清代云比來拋擲

引王 滄山詰云王常侍可謂儒門君子禪門良匠若

非知鑑分明爭得是非顛脫 白雲端云大眾臨濟端

的具一隻眼若是圓通即不然金屑雖貴落眼成翳又

作麼生我將謂你是箇俗漢大眾試斷看 應庵垂云

風行草偃葉落知秋臨濟雖本分鉗鎚常侍乃頂門具

眼祇如今日判府入山與老僧相見雖無僧堂可至亦

無佛法商量祇這便是出他一頭地處且道以何為驗  
以此為驗

徑山杲頌云世出世間希有事顯發須憑過量人只將

補袞調羹手撥轉如來正法輪

趙州論禪師問僧曾看法華經麼云看來師云衲衣在空

閑假名阿練若誑惑世間人爾作麼生會其僧擬禮拜師

云你披衲衣來麼云披來師云莫惑我云如何得不惑云

師云自作活計莫取我語

雪竇顯云大小趙州龍頭蛇尾諸人若能辨得便乃識

破趙州如或不明箇箇高擁衲衣莫惑靈峰好

趙州示眾云看經也在生死裏不看經也在生死裏諸人

且作麼生出得去僧便問只如俱不留時如何師云實即

得若不實爭能出得生死

古德云看經也在生死裏飯糲裏坐無喫底不看經也在生死裏錦衣堆畔無著底忽然烏鷄叫一聲翻身踊躍湮家喜林擬議如今拋向衆人前千王六慈悲提不起趙州看金剛經次僧問一切諸佛及諸佛阿耨菩提皆從此經出如何是此經師云金剛般若波羅蜜經如是我聞一時佛在舍衛國僧云不是師云我自理經也不得趙州看經次文遠入來師乃將經側示之遠乃出去師隨後把住云速道速道遠云阿彌陀佛阿彌陀佛師乃便歸方丈

洞山价禪師幼依律師出家一日律師授與般若心經誦至無眼耳鼻舌身意處不隨師語乃以目顧律師身上下

復以手自相其身體謂律師云和尚亦有眼耳鼻舌身意某甲亦有佛爲甚麼却說無律師驚云吾非汝師汝已後荷負大乘去在乃送入五洩出家

天台智者禪師在南嶽誦法華經至藥王品云是真精進是名真法供養如來於是悟法華二昧獲旋陀羅尼見靈山一會儼然未散

徑山杲云如今未獲旋陀羅尼者還見靈山一會不若見以何爲證若不見是真精進是名真法供養如來只恁麼念過却成剩法矣

圭峰密禪師一日隨衆僧齋于府吏任灌家居下位以次受經得圓覺十二章覽未終軸感悟流涕歸以所悟之旨告于師圓和尚圓拊之曰汝當大弘圓頓之教此經諸佛

授汝耳行矣母自滯於一隅也師涕泣奉命禮辭而去  
 大隋真禪師因有婆子令人送錢物至請師轉藏經師受  
 施利了便下禪牀轉一匝乃云傳語婆婆轉藏經已竟人  
 回舉似婆婆云比來請轉全藏如何只為轉半藏一本作  
 玄覺徵云甚麼處是欠半藏處且道那婆具甚麼眼便  
 與麼道

仰山寂禪師作沙彌時一日念經聲高乳源云我子汝念  
 經恰似哭師云某甲祇與麼未審和尚又如何源乃顧視  
 師師云若與麼與哭何別源休去或作  
 仰山問陸郎中云承聞郎中看經得悟是不陸云是弟子  
 看涅槃經道不斷煩惱而入涅槃師豎拂子云只如這箇  
 作麼生入陸云入之一字也不用得師云入之一字不為

郎中陸便起去一本作

法眼代云郎中恁麼會去也大俊哉 法燈代云上座

且道入之一字為甚麼人又云郎中且莫煩惱 雪竇  
 顯於仰山舉拂處別云拂子到某甲手裏也又別後語  
 云我將謂你是箇俗漢

仰山住觀音時出榜云看經次不得問事後有僧來問訊  
 見師看經傍立而待師卷却經問會麼云某甲不看經爭  
 得會師云汝已後會去在其僧後舉似巖頭頭云這箇老  
 師我將謂被故紙埋却元來猶在

古靈贊禪師歸受業本師問汝學何業師云一如未去時  
 後因本師看經次有蠅子撞總師云世界如許廣大須要  
 頭鑽故紙作甚麼本師異而問之師云某甲今有頌云空

門不肯出投認也。大奇百年鑽故紙何日出頭時。

白雲端頌云為愛尋光紙上鑽不能透處幾多難。驀然撞著來時路始覺從前被眼瞞。

睦州蹤禪師僧問一氣還轉得一大藏教也無師云有甚。餌羅餽子快下將來。

鼓山珪頌云睦州只愛錐頭利。這僧不見鑿頭方直。饒轉得百千藏。這般供養也尋常。徑山杲云一氣轉一大藏教。頓漸偏圓權與實。無邊妙義炳然彰。元來一字也不識。

睦州看經次僧問看甚麼經師云金剛經云六朝翻譯次當第幾師云一切有為法如夢幻泡影又一日看般若經次僧問和尚看甚麼經師云無二無二分無別無斷故會

麼云不會師云我念經也不得又一日問僧看甚麼經云涅槃經師云於毘品最在後曾看麼云曾看師云大喻三千小喻八百又一日問僧看甚麼經云般若經師云鼻孔裏藏身鉢盂裏藏却起筋眼睛裏換却觸髅刪在甚麼經裏云某甲不知刪在甚麼經裏師云來來抵如大般若經一切智智清淨是麼云是師拈起拄杖云見這箇麼云此是色法師云忽有人供養看經僧你隨隊喫飯。

寶峰禪師一日見僧念經從方丈前過師云滿口道盡只是不具眼僧以手指師云道道師掌身邊沙彌云眼在甚麼處僧翹一足云與麼與麼師云長江下釣無餌也吞僧便喝云這老和尚無故塗糊人師云齧人獅子不露牙爪僧作齧勢師云大裁帽子別處戴。



圓悟勤云大九宗師驅耕夫之牛奪飢人之食寶峰既用此機這僧是箇金毛善能哮吼挨挨往復未分勝負却是身邊沙彌獲得一籌既是滿口道盡若解轉身即見汗馬功高且道畢竟如何三點如流水曲似刈禾鎌雲居膺禪師問僧念甚麼經云維摩經師云我不問維摩經念底是甚麼僧於此有省

佛慧泉頌云不問維摩念甚麼新羅鷄子穿雲過杖頭擊著沒威靈惆悵嵩山破龜墮無為子云念底却是維摩經一回舉著一回精鸚鵡故鄉歸不得大都言語太分明天章善云問經不問念維摩念底分明見也麼欬入塵沙法門海一言演出不須多道場如云順風將欲到揚州風轉船頭水逆流把柁全憑三老力管

然到岸不須憂南堂靜云須彌山高不見巖大海水深不見底巖土揚塵無處尋回頭撞著自家底

明招謙禪師問國泰古人道俱胝只念三行呪便得名超一切人作麼生與他拈却三行呪便得名超一切人泰堅起一指師云不因今日事爭識得瓜州客泰無語

保寧勇代便與一掌草堂清云明招只識得瓜州客且不識國泰直饒識得國泰也未夢見俱胝老在

雲門偃禪師問僧看甚麼經云已有人問了師云你爲甚麼在我脚下云恰是師云伏惟尚享自代云蒼天蒼天又云將謂韶州無又問僧看甚麼經云般若燈論師云西天金剛座上甚人說佛法云和尚合知師云你夢見麼僧無語師代云不獨某甲代前語云跳出死蝦蟆又云將謂西

天無又云墮又問僧看甚麼經僧拈起經師云鬼窟裏出頭云和尚見箇甚麼師云賊物現在僧無對師代云仁義道中不合如此又問僧看甚麼經云般若經師云經中道一切智智清淨是麼云是師云你眼為甚麼穿過石榴樹云古人何在師云古人即知是你不知僧無對師代云大有人不識勢又問僧看甚麼經云瑜珈論師云為甚麼義墮云甚麼處義墮師云自領出去復代云悔不先下手又問僧看甚麼經其僧却指傍僧云和尚問何不祇對師云露柱為甚麼倒退三千里云豈干他事師云學語之流自代云洎合不識勢又代云珍重便出又云著者非一天蓋幽禪師僧問學人擬看經時如何師云既是大商何求少利

洞山禪師問僧一日看多少經云一日看一帙師云上座不會看經云和尚一日看多少師云有工夫時一句兩句無工夫時一帙兩帙

古德因看法華經至諸法從本來常自寂滅相忽疑不決常自體究以至行住坐卧靡不存心都無所得忽春月聞鶯聲頓然悟入遂續前語云諸法從本來常自寂滅相春至百花開黃鶯啼樹上

鏡清付禪師因看經次僧問和尚看甚麼經師云我與古人闡百草師却問僧汝會麼云少年也曾怎麼來師云如今作麼生僧舉拳師云我輸汝也

月菴禪師謂白雲雲問業箇甚麼師云念孔雀經雲云好箇人家男子隨鳥雀後師聞語驚異遂依之

同安不禪師看經次僧來參師以衫袖蓋却頭僧近前作  
弔慰勢師放下衫袖提起經云會麼僧亦將衫袖蓋却頭  
師云蒼天蒼天

圓悟勤云覲面去來賓主互換一等是弄見眼睛就中  
奇怪所謂神通遊戲三昧雖然如是爭如脚踏實地好  
且作麼生是脚踏實地處青天白日

昔有一僧還竟云冥中見地藏問你平生修何行業云念  
法華經云止止不須說我法妙難思為具說是不說僧  
無對

歸宗柔代云此回歸去敢請流通

同安察禪師看經次衆僧問評師云古佛今佛皆無別理  
云和尚如何師打一掌僧云如是如是師云這風顛漢云

今古皆然師云擬欲降龍却逢死虎云同安甚生光彩師  
云停船守株非汝而誰云和尚吟師云胡羊往楚抱屈而  
歸

圓悟勤云這僧五度扣關五回格下為復是傷鋒犯手  
為復是以勢凌人須知這一條路迥別還委麼似鶻  
提鳩君不覺觸髓前驗始知真

法眼益禪師因看普門品呪咀諸毒藥還著於本人乃有  
頌云呪咀毒藥形聲之逆眼耳若通木人何適

葉縣省禪師因童子念經問僧聞念經聲麼云今日勘破  
師云作家云草賊大敗師云老僧今日失利

葉縣僧問看經即是不看即是師云青山無異路東西任  
意遊云太不定生師云自是盲者過非日月谷

僊巖安禪師因看楞嚴經到知見立知即無明本知見無見斯即涅槃當時乃破句讀云知見立知即無明本知見無見斯即涅槃於此悟入即印心於諸國師後人語師云破句讀了也師云此是我悟處畢生讀之不易法昌遇禪師因徐龍圖看楞嚴經至妙性圓明離諸名相徐云佛意誠謂幽深師云你如何會徐欲祇對師以拂子便打徐云和尚也無些子人情師云我若不打你又堪作甚麼却問黃龍釋迦老子到這裏還有出身處麼龍却打一拂子師云且聽諸方斷看

末明潛禪師因法眼問子於參請外看甚麼經師云華嚴經眼云總別同異成壞六相是何門攝屬師云文在十地品中據理則世出世間一切法皆具六相眼云空還具六

相也無師懵然無對眼云子問吾師乃問空還具六相也無眼云空師於是開悟踊躍禮謝眼云子作麼生會師云空眼然之

千光王省禪師因閱楞嚴經文理宏濬未能洞曉一夕誦經既久就案若假寐夢中見日輪自空降開口吞之自是倏然發悟差別義門泱然無滯

歸宗柔禪師問僧看甚麼經云寶積經師云既是沙門爲甚麼看寶積僧無對師代云古今用無極

上泉古禪師因看華嚴經一日擲卷在地云黃面老子得恁麼多口從此曉悟後參廣德乃爲印可

藥山看經次李翱來參不顧見醉見東印土國王問般若之羅何不轉經見帝見

宋太宗帝問看經僧現時  
張拙看佛名經境  
睦州看華嚴經現時  
藏主問僧何不看經首  
秦國夫人看經現時  
臨濟見黃蘗看經現時  
開福寧權足偶誦金剛經現時

講經

六祖大師將抵韶州路逢高行士劉志畧遂結為交友尼  
無盡藏者乃是志畧之姑常讀涅槃經師暫聽之即為解  
說其義尼一日執經問字師云字則不識義則請問尼云  
字尚不識焉能會義師云佛之妙理非文字尼乃驚異  
之

牛頭融禪師因邑宰蕭元善請於建初寺講大般若經聽  
者雲集至滅靜品地為之震動

南陽忠國師問紫璘供奉大德所蘊何業云講音龍疏師  
云是金剛經麼云是師云經文最初兩字與作甚麼字云  
如是師云是甚麼

明招謙代云昔日靈山今日親見  
雪竇真顯別云以拄

杖便打

南陽因紫璘擬註思益經師乃問大德九註經須會佛意始得云若不會佛意爭解註得師乃令侍者盛一椀水著七粒米在水中椀面安一隻筋乃問這箇是甚麼義璘無語師云老僧意尚不會豈况佛意爭能註得經

南陽因百法座主問禪宗畢竟將何爲直實師良久主再問師云大德不唯講經兼有佛法眼目主禮拜出去師召云大德主回首師云莫錯認定盤星

佛鑑勸云若是箇惺惺座主只向國師道不重和尚道德孤高只重和尚佛法眼目

南陽座主問宗門中傳持何事師云座主傳持何事主云曾傳持三經五論來師云總是獅子兒主禮拜出去師召

云座主主應諾師云是其麼主無語

佛鑑勸云是則是獅子兒只是爪牙未備爪牙若倍何更更有國師也

鹽官安國師問座主蘊何經論云華嚴經師云華嚴經有幾種法界云畧而言之有四廣說則重重無盡師疑起拂子云這箇是第幾種法界中收主良久師云思而知慮而解是鬼神活計日下孤燈果然失照下去

法眼代拈掌三下 保福問云若禮拜却喫和尚棒

禾山代云某甲不頌和尚莫恠 佛鑑勸云鹽官以強凌弱則且致如何道得一轉語免他道鬼窟裏活計云良久云劍閣路雖險更高人也行 佛性泰云這僧新成沈甸之山不進一簣之主古德若作座主當時待他

豎起拂子云這箇是第幾種法界中收只向他道向下  
文長付在來日

秦政隨禪師問生法師講何經論生云大般若經師云作  
麼生說色空義云衆微聚曰色衆微無自性曰空師云衆  
微未聚喚作甚麼生問措師又問別講何經論云大涅槃  
經師云如何說涅槃之義云涅槃而不生聚而不滅不生不  
滅故曰涅槃師云這箇是如來涅槃那箇是法師涅槃云  
涅槃之義豈有二耶某甲只如此未審禪師如何說涅槃  
師拈起如意云還見麼云見師云見箇甚麼云見禪師手  
中如意師將如意擲于地云見麼云見師云見箇甚麼云  
見禪師手中如意隨地師云觀公見解未出常流何得  
名喧宇宙拂衣而去其徒懷疑不已乃追師扣問我師說

色空涅槃不契未審禪師如何說色空義師云不道汝師  
說得不是汝師只說得果上色空不會說得因中色空其  
徒云如何是因中色空師云一微空故衆微空衆微空故  
一微空一微空中無衆微衆微空中無一微

汾陽昭代云休葛藤

馬祖一禪師因講僧問未審禪宗傳持何法師却問云座  
主傳持何法云來講經論二十餘本師云莫是獅子兒不  
云不敢師作噓噓聲主云此是法師云是甚麼法云獅子  
出窟法師乃默然主云此亦是法師云是甚麼法云獅子  
在窟法師云不出不入是甚麼法主無對遂辭出門師召  
云座主主回首師云是甚麼主亦無對師云這能根阿師  
百丈於前無對處代云見麼

南泉頭禪師問座主講得甚麼經云彌勒下生經師云彌勒甚麼時下生云現在天宮未來師云天上無彌勒地下無彌勒

洞山舉問雲居膺膺云天上無彌勒地下無彌勒未嘗誰與妄名洞山被問直得禪牀振動乃云吾在雲巖會問老人直得火爐振動今日被子問直得通身汗流大陽延云如今老僧舉起也有解問者致將一問來乃云地動也 徑山杲云禪牀振動火爐地動即不無三大老要見南泉直待彌勒下生始得忽有箇衲僧出來道天上無彌勒地下無彌勒却教作麼生祇對他但向他道老僧罪過

佛眼遠頌云禪牀驚震被茶糊惹得兒孫不丈夫拄杖

劈頭連打出也教知道赤鬚胡

南泉問座主講甚麼經云涅槃經師云你與我講一遍得麼云某甲與和尚講經和尙須與某甲說禪始得師云不可將金彈子博銀彈子去云某甲不會師云汝道空中一片雲為復金釘住為復藤纏著

南泉問座主講甚麼經云涅槃經師云經中以何為極則云以如如為極則師云喚作如如字是變了也今時沙門須向異類中行始得有僧舉似歸宗宗云雖向異類中行不受異類中報師問云孟八郎漢又往麼去也

大珠海禪師問座主經云若以三十二相觀如來者轉輪聖王即是如來又云若以色見我乃至不能見如來經且待少時問大德且那箇是如來云到這裏却迷去師云



云講二十餘座却不知識如來如來者即諸法如來大德那不知主云若是即一切皆如師又云未是未是二經作此說何故不是師云法師如不云如師云木石如不二如師云如同木石不云如同木石師云與麼則大德云云何別主無對乃嘆云此上人極難對

大珠問座主蘊何經論云講金剛經師云金剛經是誰說云佛說師云若言如來有所說則為謗佛若言不是無說又是謗經除此之外試與老僧說看主無語

佛鑑勸云無智人前莫說打你頭破額裂座主當時曰道得這兩句語大珠須倒退七步

大珠問座主講甚麼經云三昧經師拈拄杖云這箇是三昧不是三昧主無語師云老僧事繁不能打為你

佛鑑勸代僧云兩段不同收歸上科

大珠因律師問禪師家多落空師云却是座主家多落空主驚云何得落空師云經論是紙墨文字紙墨文字者俱空設於聲上建立名句等法無非是空座主執滯教體豈不落空云禪師落空不師云文字等皆從智慧而生大用現前那得落空云故知一法不達不名悉達師云律師不唯落空兼乃錯用名言主作色云何處是錯師云律師不辨華竺之音如何講說云請師指出錯處師云豈不知悉達是梵語耶主乃省過

西山亮座主謁馬祖祖問講甚麼經師云心經祖云將甚麼講師云將心講云心如工伎兒意如和伎者云識為伴侶爭解講得經師云心既講不得莫是虛空講得麼師云却

是虛空講得師拂袖而去祖召云座主師回首祖云是是  
麼師豁然大悟乃禮拜祖云這鈍根阿師你禮拜作甚麼  
師直得這身汗流遂歸謂衆云我一生所講經法請衆人  
及得今日被馬師一問平生工夫冰釋而已遂罷講直入  
西山杳無消息

開先瑛云教中道父母所生眼悉見三二界只如亮座  
主只今在其麼處為復餐服百草墮在神山為復定刀  
自持深居巖谷為復神通變化俗眼難疑為復脫離  
身證涅槃樂如今有人見得麼若也見得不妨一具明  
眼衲僧倘或未然且莫撞著露柱

正堂辯頌云弓弦難結鴛鴦細御道那栽栗棘蓬堪笑  
香巖饒舌老今年猶勝去年窮 東山空云馬師瞎却

亮師眼一入西山更不返我有三十二藤條寄與山中  
這擔板

龐居士嘗遊講肆隨喜金剛經至無我無人處致問云座  
主既無我無人是誰講誰聽主無對士云某甲雖是俗人  
粗知信向主云居士意作麼生二乃示偈云無我復無人  
作麼有疎親勸君休歷坐不似直求真金剛般若性外絕  
一纖塵我聞并信受總是假名隄座主聞偈欣然仰嘆

趙州論禪師問座主講甚麼經云涅槃經師云問大德一  
段義得不云問甚麼義師以脚趂空一趂吹一吹云這箇  
是甚麼義云經中無此義師云脫空謾語漢此是三日刀  
士揭石義本州謾

昔有老宿代云和尚謾某甲謾大眾 雪竇顯別云和

尚慣得其便

趙州因定州有一座主到師問習何業云經律論不聽便  
講師舉手示之云還講得這箇麼主茫然不知師云直饒  
你不聽便講得也只是箇講經論漢若是佛法未在和  
尚即今言語莫便是佛法不師云直饒你問得答得總屬  
經論佛法未在主無語

趙州問座主所習何業云講維摩經師云維摩經示未是  
道場座主在其麼處主無對師令全益代語益云只這一  
問可識道場麼師云你身在道場裏心在其麼處師道取  
益云和尚不是覓學之心師云是益云只這一問一答是  
甚麼師云老僧不在心所法過眼耳鼻舌身意而知解益  
云既不在心數裏和尚爲甚麼覓師云爲你道不得云

法過眼耳鼻舌身意而不解作麼生道不得師云喫我涕  
唾

趙州問座主所習何業云講維摩經師云那箇是維摩祖  
父主云某甲是師云爲甚麼却與兒孫傳語主無對

洞山禪師問講維摩經座主云不可以智知不可以識識  
是其麼語主云是讚法身語師云法身是讚何用更讚主  
無語

應庵聖公且道諸人向這裏下得甚麼語將山公白也  
要出一隻手又恐諸人穿却鼻孔

韓愈文公問僧承聞講得摩訶論是不云是公云摩訶論有四  
不遷是不云是公遂將茶盞撲破云這箇是遷不遷僧無  
對

法眼代拈掌三下 汾陽昭代云識得侍郎 保靈勇  
代云多少分明

悟空禪師問忠座主講甚麼經云法華經師云有說法華  
經處我現實塔富為證明座主講請其人證明主無語  
法燈代云謝和尚證明 雪竇顯代云私過車馬  
大隋真禪師問座主講甚麼教云白法論師拈起拄杖云  
從何而起云從緣而起師云苦哉苦哉

睦州蹤禪師座主問某甲雖講得經兼行脚不會教意時  
如何師云灼然實語當懺悔云乞師指示師云你若不問  
老僧緘口無言你既問老僧不可緘口去也云便請道師  
云心不負人面無慚色又問一座主講甚麼經云法華經  
師云與老僧講來云某甲依章疏師云你不会講云某甲

實不會講却請和尚講師云你不是聽經人云昨日家和  
尚慈悲為某甲今日講師云三段不同今當第一云此是  
古人章疏師云你見箇甚麼道理主無語師云這喫夜飯  
漢不能打得你去

睦州因講論座主來參師云你為甚麼義墮和尚未曾  
問某甲師云西天則斬頭截臂我這裏與你口喫飯

睦州有一座主講得七本經論來參師云你講得七本經  
論是不云不敢師拈起拄杖驀頭打一下主云某甲不因  
和尚洎虛過一生師云道甚麼主擬開口師便打云詩  
和尚重重相為師云依佛近佛恭為僧

雪峰存禪師問座主如是兩字盡是科文作麼生是本文  
三無對師自代云不入識



妙理禪者失笑師講罷請禪者與茶問云其自素志狃劣  
依文解義適蒙見笑有不到處伏望見教禪者云實笑座  
主不識法身師云如此解說何處不是云請座主更說一  
徧師云法身之理猶若太虛豈窮三際橫十方彌綸八  
極包括二儀隨緣赴感靡不周徧禪者云不道座主說得  
不是只是說得法身量邊事實未識法身在師云既然如  
是禪者當為我說云座主還信不師云焉敢不信云若如  
是座主暫輟講旬日於室內端坐靜慮以心攝念善惡諸  
緣一時放却師一依所教從初夜至五更聞鼓角聲豁然  
契悟走扣禪者門禪者問云誰師云某甲禪者咄云教你  
傳持大教代佛宣揚夜來為甚麼醉酒卧街師云禪德自  
來講經將生身父母鼻孔捏從今向去更不敢如是禪

者云且去明日來相見師即罷講徧謁諸方

古德頌云一曲單于風引長孚公聞處出宮商至今夜  
裏維揚客空聽梅花聲斷腸

南院顯禪師問座主大德講甚麼經云維摩經師指繩牀  
云會麼云不會師云侍者點茶來

法眼益禪師問百法座主云百法是体用雙陳明門是能  
所兼舉座主是能法座是所作麼生說箇兼舉底道理主  
無對

歸宗柔別云不勞和尚如此 雪竇顯別云和尚分半

院與某甲始得 老宿代云和尚喚甚麼作法座

老宿問座主疏鈔解義廣畧如何主云鈔解疏疏解經宿  
云經解甚麼主無對

廣慧連禪師問座主聞你講得三經五論是不云不敢師  
豎起拄杖云這箇作麼生講主擬議師便打主云何得造  
次師云這嚼涕唾兒道甚麼主無對師云近前來主近前  
師於地上畫一畫云這箇經中出論中出云經論無文所  
載師云無孔鐵鎚參堂去少頃其僧再來入事師問你是  
甚處人云某甲適來禮拜和尚了也師云我這裏是甚麼  
所在著你這漢道了一踏踏倒主起來云我會也我會也  
師把住云魅漢你道甚麼速道速道主打師一掌師云這  
瞎漢來這裏亂做更道主作禮師乃云養子不及父家明  
一世裏

天平愚禪師有二座主來參師先問第一人講甚麼經論  
云百法論師云百法從幾法生云百法從一法生師云一

法從何而生主無對師云第二人講甚麼經論云唯識論  
師云作麼生是三界唯心萬法唯識主無對師一時喝  
法昌遇禪師問豁長老聞說你曾講唯識論是不云粗曾  
習聽師云三界唯心萬法唯識明有此理不云是師乃豎  
起拂子云還見麼云見師云見箇甚麼云見拂子師云老  
老大入爲甚麼五戒不持云和尚何得不信佛語師云癡  
人棒打不死  
法雲泉禪師因有百法座主云禪家流多愛脫空師造前  
問承闡座主講得百法論是不云不敢師云昨日雨今日  
晴是甚麼法中收主無對師便打云莫道禪家流多愛脫  
空好主恚云和尚且道昨日雨今日晴是甚麼法中收師  
云四十二時分不相應法中收主乃屈服作禮而謝

法雲秀禪師為座主時謁天衣懷禪師懷問座主講甚麼  
經師云粗習華嚴云華嚴以何為宗師云以法界為宗云  
法界以何為宗師云以心為宗云心以何為宗師不能加  
答懷云毫釐有差天地懸隔汝當自看會有省發耳後十  
七日闍維舉白兆問報慈云情生智隔想變體殊情未生  
時如何慈云隔師於此大悟直詣方丈陳所證懷喜云前  
後座主唯汝一人真大法器吾宗異日在汝行矣  
梁武帝請博六士講經現臨  
婆子問德山金剛經現臨 乎上座臨終講經現臨  
睦州問講唯識論僧正現臨

論義

世尊因長爪梵志索論義預約云我義若隨我自斬首世  
尊云汝義以何為宗志云我以一切不受為宗世尊云是  
見受不志拂袖而去行至中路乃省謂弟子云我當回去  
斬首謝佛弟子云人天衆前幸當得勝何以斬首志云我  
寧於有志人前斬首不於無志人前得勝乃嘆云我義兩  
處負墮是見若受負門處處是見不受負門處細一切人  
天二乘皆不知我義墮處唯出世尊諸大菩薩知我義墮  
回至世尊前云我義兩處負墮故當斬首謝世尊佛云我  
佛法中無如是事汝當回心向道出家於是五百徒衆一  
時投佛出家證阿羅漢一本  
七祖婆須密尊者因佛施難提索以論義祖云仁者論即



不義義即不論若擬論義終非義論佛陀難提知師義勝  
心即欽伏

十一祖那夜奢尊者因馬鳴問我欲識佛何者即是祖云  
汝欲識佛不識者是云佛既不識焉知是乎祖云既不識  
佛焉知不是云此是銘義祖云彼是木義復問銘義者何  
鳴云與師平出鳴問木義者何祖云汝被我解馬鳴於是  
信伏

十二祖馬鳴大士昔嘗事外道每持一丫槍上懸一劍巡  
五天竺國索人論義自云我義若墮當斬首為謝聞脇尊  
者有大聲譽特請論義脇云爾義以何為宗祖云但有言  
說我悉能破脇於是默然而坐祖忿色而去詎罵云我聞  
爾具大智慧及與論義一詞不措行至中路乃謂弟子云

我義已墮我言但有言說皆悉能破彼既無言我當自破  
將回斬首而謝爾時脇尊者化令回心并諸徒眾乃一時  
出家

盤特尊者一日行至中路遇一外道名曰梵天索尊者論  
義尊者湧身空中高七多羅樹現十八變罷外道云尊者  
一來我不要你現神通祇要共你論義舍利弗遙聞云我  
如來大師被盤特所耻遂隱形藏却盤特自現其身於外  
道前云汝是何人道云我是梵天舍利弗云汝實是梵天  
耶云我名梵天是人也弗云人是通名男女別稱云我實  
名梵天舍利弗斥云咄汝之宗祖我盡識之况汝言無目  
人也云尊者盲與無目為是一耶二耶舍利弗云為汝不  
見第一義諦故曰盲不能善別諸法故謂之無目外道義

隨禮謝而退

二十五祖婆舍斯多尊者因與外道無我尊論義外道云請師默論不假言說祖云不假言說孰知勝負云但取其義祖云汝以何為義云無心為義祖云汝既無心安得義乎云我說無心當名非義祖云汝說無心當名非義我說非心當義非名云當義非名誰能辨義祖云汝名非義此名何名云為辨非義是名無名祖云名既非名義亦非義辨者是誰當辨何物如是往返五十九番外道杜口信伏芭蕉云譬如象馬龍虎難調加諸楚毒至于徹骨方乃調伏 明安延云蚌鷸相持死在漁人之手乃云何用勞言

南陽忠國師因此紫璘供奉云請禪師立義某甲破某甲立

義禪師破今請師立義師云立義已了紫云是甚麼義師云果然不見非公境界

忠國師問紫璘供奉佛是甚麼義云是覺義師云佛曾迷不云不曾迷師云用覺作麼奉無對

趙州論禪師因與沙彌文遠論義關劣不戰勝戰勝者輸果子遠云請和尚立義師云我是一頭驢遠云我是驢曾師云我是驢糞遠云我是糞中蟲師云你在彼中作甚麼遠云我在彼中過夏師云把將果子來

五祖戒云禍不單行 琅琊覺云趙州文遠也是請何

制律 天童覺云高高標不出低低望不及眼自爭先得等因打劫贏 徑山杲云文遠在驢糞中過夏面赤

不如語直趙州貪他小利贏得箇果子檢點將來也是

晉州人送賊且道畢竟如何良久云鴉王搥乳素非鴉類

白水仁禪師僧問如何是不遷義師云落花隨流水明月上孤峰

報恩則禪師僧問如何是不遷義師云江河競注日月旋流

利涉法師唐明帝時宰相韋汙不重釋道毀於法師一日奏帝云立四科義對聖前與師難義云我若隨時執巾鉢侍座七日師便問四科者如何請相公問韋乃問云世間何物明如日師指帝云聖明天子明如日又問世間何物黑如漆師指韋云憐懂宰相黑如漆又問世間何物苦如連師云地獄之中苦如連又問世間何物甜如蜜師云塵

訶般若甜如蜜韋辭墮救義不得乃執侍巾餘經二十七日後怒心不息重索集三教置場與師論義其時葉靜六師在座下師謝恩畢陞座韋汀東座法師西座師知三十年前有官姓韋因作孽國令行遣之乃高吟一偈問東邊座上者是何人是何姓復是何名韋答云姓韋名汀師乃成一偈問云我之佛法是無為何事今朝得有為無為始得三十載不知今日是何為帝聞之愠色叱云韋汀小子何得毀我高祖玄元皇帝謗于釋氏正法得罪矣

道正索雲蓋論義見樓門

十六祖論金義規門

提婆尊者登鐘樓與外道論義見法門



流

二十六祖偈云真性心地藏無頭亦無尾應緣而利物方便呼為智

琅琊覺云既是方便呼為智且道畢竟喚作甚麼良久云任從滄海變終不與君通 古德云喚作佛也是方便呼作祖也是方便喚作心也是方便喚作性也是方便須是識取無頭無尾底只如無頭無尾作麼生識

達磨大師偈云吾本來茲土傳法救迷情一花開五葉結果自然成

雲峰悅於傳法救迷情處道這漢自救得了無又於結果自然成處云一人傳虛萬人傳實 五祖演云這磨

大師信脚來信口道後代兒孫多成計較要會開花結

果受麼鄭州梨青州棗萬物無過出處好 淨慈明云淨慈當時若見恁麼道用黑漆拄杖子一棒打殺埋向無陰陽地上令他出氣不得何故且耐他瞞我唐土人

眾中莫有為祖師出氣底麼出來和你一時埋却 源岳云二叢之筆畫入石三分李杜文章光燄萬文是即是成人者少敗人多

六祖大師家貧賣薪養母因往五祖求法祖問汝自何來師云嶺南來祖云欲須何事師云唯求作佛祖云嶺南人無佛性若為得佛師云人有南北佛性豈然祖知異器乃

訶云若槽廠去師遂入碓坊腰石舂米因五祖示眾索偈欲付衣法堂中上座神秀大師呈偈云身是菩提樹心如

明鏡臺時時勤拂拭莫遣惹塵埃師聞乃和之云菩提本

無染自性

本自清淨

但使願無違

自性本無染

無樹明鏡亦非臺本來無一物何處惹塵埃祖默而識之  
夜呼師入室密示心宗法眼傳付衣鉢今渡江過大庾嶺  
南歸曹溪開東山法門

黃龍新頌云六祖當年不丈夫情人書壁自塗糊明明  
有偈言無物却受他家一鉢盂 佛慧泉云今古曹溪  
一派寒師來因為起波瀾攜囊度嶺人空逐負石黃梅  
衆識難 佛國白云七百高僧夢裏時三更月下獨南  
歸賣柴舂米儂家事底事親傳六代衣 祖印明云一  
偈投機一衆降嚙花百鳥去雙雙家山記得來時路半  
夜傳衣過九江 草堂清云七百僧中選一人本來無  
物便相親夜傳衣鉢曹溪去鐵樹花開二月春  
寒山偈云吾心似秋月碧潭光皎潔無物堪比倫教我如

何說

保寧勇二寒山子貴價精神賤價賣子細思量著甚來  
由雖然如是三十年後有人點檢保寧子在 保福權  
云老僧即不然吾心似燈籠點火內外紅有物堪比倫  
來朝日出東 松源岳云寒山好頌只易見難說虎立  
却有箇方便說與諸人若教頻下海滄海也須枯  
雙林傳大士偈云夜夜抱佛眠朝朝還共起起坐鎮相隨  
語默同居止纖毫不相離如身影相似欲識佛去處三  
性祇紙這語聲是

玄沙云大小傳大士祇認得箇昭昭靈靈 玄覺微云  
且道他認不認若認他又是補處彌勒不可認也若不  
認玄沙又與麼道不可徒然 雪竇顯云天下衲僧誰

不出直饒口挂壁上漢別有一般勘過了打又云云沙  
也是打草蛇驚 翠巖芝云認與不認來年更有新條  
在撓亂春風平未休 天衣懷云誰有童子調換取假  
銀城良父云曾被霜雪苦楊花落之驚  
保寧勇頌云要眠時即眠要起時即起水洗面皮光發  
茶濕却背大海紅塵生平地波濤起可呵阿呵囉哩  
哩囉哩

傳大士偈云未有無心境曾無無境心境忘心自滅心滅  
境無侵

琅琊覺拈拄杖云山僧喫這箇作拄杖子你等諸人喫  
甚麼作境你若道得山僧有通方向若道不得與你七  
百錢

傳大士偈云有物光天地無形本寂寥能為萬象三不逐

四時滑滅辭

雲峰悅云且道是甚麼物又云水長船高 道事重矣

且道是甚麼物還識得麼若識得乾坤大地森羅洞明

若也不識被物移著轉身不得 琅琊覺云好箇頌却

成兩撥若人點檢得出此你具一隻眼 保寧勇拈拄

杖云且莫喚這箇作拄杖子好 王祖演云云云又恁麼

道可謂錦上鋪花不妨奇特諸人且作麼生會白道今

日曲順後機不惜眉毛亦為頌出有中有無古無細中

細念中差

布袋和尚偈云彌勒真彌勒分身千百億時時示時人時

人比目不識

天童覺於第一句下著語云撥破面門二句下云築著  
鼻孔三句下云高著眼四句下云當面諱却復拈云  
布袋攤街截巷直是無回避處還辨得麼腦後見眼莫  
與往來 應庵華云這老漢四拐拐地了也是沒諸人  
還識得也未若識得正是眼中添屑若不識實林有過  
卧輪禪師偈云卧輪有伎倆能斷百思想對境心不起菩  
提日日長

六祖聞乃云此偈未明心地若依而行之是加繫縛因  
示偈云慧能無伎倆不斷百思想對境心數起菩提作  
麼長 天童覺云葵花向日柳絮隨風

龐居士偈云十方同聚會箇箇學無為此是選佛場心空  
及第歸

白雲端云每日動用施為說黃道白若喚作心即無及  
第之時若不喚作心亦無及第之時且道作麼生得心  
空及第去良久云向道是龍剛不信果然奪得錦標歸  
大瀉詰云慧光門下直接超升不歷科目諸人既到這  
裏風雲布地牙爪已成但欠雷聲燒尾如今為你諸人  
震忽雷去也以拄杖擊禪牀下座 草堂清云如今莫  
有心空及第者麼直饒心空及第到寶峰門下猶是半  
途且道到頭一句作麼生良久云但有路可上更高人  
也行

佛慧泉頌云幘頭塵土靴欄破選佛場中無兩箇若道  
心空及第歸頂上一植難放過

杜順禪師法身偈云懷州牛喫禾益州馬腹脹天下負醫



人多猪左膊上

慈明圓註第一句云河沙世界二句云蟻寄枝走三句云驢頭馬角四句云盡虎成狸 松源岳云也好笑也 堪悲耳朵元來兩片皮

本空禪師僧問去却即今言句請師直指本來性師云你迷源來得多少時云即今蒙和尚指示師云若指示你我即迷源云如何即是師乃示偈云心是性體性是心用心性一如誰別誰共妄外迷源只這難洞古今九聖如幻如夢

佛鑑勸云問不徒然答無虛設纔隨語轉觀面千山後偈中雖有收有放其奈錯下名言山僧重為別過乃有偈心本非心性本非性心性兩忘誰少誰剩老倒本空

著艾求病妄外迷源孤負九聖 大圓智云問也不尋

常谷亦不虛棄指示迷源彼此失利為甚麼却失利良

父云仁者見之謂之仁智者見之謂之智 塗言策云

坐籌帷幄決勝千里守峻禦敵不假多兵這僧解路已

彰本空從頭點破祇如妄外迷源祇這難洞又作麼生

塗毒因風吹火布施一頌心性從來體一問有無空處

透真空古今妄外迷源言春入園林處處紅

洞山价禪師悟無情說法偈云也大奇也大奇無情說法

不思議若將耳聽終難曉眼裏聞時方始知

南堂靜頌云好好萬象森羅俱是寶頭頭物物現家珍

不識之人即荒草

仰山寂禪師問香嚴闍師弟近日有甚悟道頌試與我看嚴

舉了其道門師云此是閑時構置嚴又舉一偈云去年貧  
未是貧今年貧始是貧去年無卓錫之地今年錫也無師  
云汝只得如來禪未得祖師禪香巖後又呈一偈云吾有  
一機瞬目示伊若也不會別喚沙彌師云且喜師弟會得  
祖師禪

玄覺徵云且道如來禪與祖師禪分不分 長慶稜云  
一時坐却 雲居錫徵云衆中商量如來禪淺祖師禪  
深只如香巖當時何不問如何是祖師禪若置此一問  
何處有也 琅琊覺云武帝求僊不得僊王喬端坐却  
昇天 六滄詰云香巖可謂上無片瓦下無卓錫露髀  
裸赤灑灑沒可把若不是仰山幾乎放過這漢何故不  
得雪霜力焉知松柏操

南堂靜頌云聲不是聲方見道色非色處即真空精金  
百煉方成器利劍重磨始見功 枯木元云無地無錫  
未是貧知無尚有守無身儂家近日貧來甚不見當初  
貧底人

洞山禪師偈云五臺山上雲蒸飯佛殿堦前狗屎天刹竿  
頭上煎餿子三箇獼猴夜數錢

道吾真云老漢即不然三面狸奴脚踏月兩頭白牯手  
擎煙戴冠碧兔立庭拍脫殼烏龜飛上天老僧喜藤籃  
被諸人覷破了也洞山老人甚是奇特雖然如是只行  
三步四步且不過七跳八跳且道請託在甚麼處老僧  
今日不惜眉毛一時布施良久云叮嚀損君德無言真  
有功任從滄海變終不爲君通

本淨禪師頌云道體本無修不修自合道棄却一真性未  
入關浩浩若逢修道人第一莫向道

蔣山泉云山僧愛與古人厮物若逢修道人第一切向  
道且道向道箇甚麼陝府鐵牛渾是鐵龐四巖講解人  
言

古德偈云護生須是殺殺盡始安居要會箇中意鐵船水  
上浮

圓悟勤云且道殺箇甚麼殺衆生物命九六見解殺六  
賊煩惱座主見解殺佛殺祖大闡提人見解初僧分上  
畢竟殺箇甚麼

夾山會禪師偈云明明無悟法悟法即迷人長仰兩脚睡  
無偽亦無真

正覺送二公諸權德此乃療久戀寶所育病之妙藥示到  
化城之上一切忘錯服服之則耆婆拱手醫王殿后

洞山禪師偈云貪真癡太無知賴我今朝識得伊行便打  
坐便提分付心三子細推無量劫來不解脫問汝二人知  
不知

神鼎諍云古人與麼道神鼎則不然貪真癡實無知十  
二時中任從伊行即往坐即隨分付心王擬何為無量  
劫來元無脫何須更問知不知

三平忠禪師偈云即此見聞非見聞更無聲色可三三首箇  
中若了無餘事體用無妨分不分

雲門於第一句下云喚甚麼作見聞二句下云有甚麼  
口頭聲色三句下云有甚麼事四句下云語是體體是

語復拈拄杖云拄杖是體指燈籠云燈籠是月是分不  
分不見道一切智智清淨 白雲端云大衆雲云只解  
依樣畫蛾眉圓通則不然即此見聞非見聞更無聲色  
可呈君眼是眼耳是耳箇中若了無餘事體用無妨分  
不分四五百條花柳巷三三二二處管絃樓參 云重覺  
云正相逢沒交涉六戶不濟四衢絕蹤遍界是光明通  
身無向背機絲不掛梭頭事文彩縱橫意自殊 保寧  
勇云保寧有時以拄杖作體有時以拄杖作用拄杖子  
作體也乾坤寂爾世界坦然拄杖子作用也秋變冬凋  
春生夏長不見道體中有用用中有體體不離用用不  
離體以拄杖橫按云且道是體是用若到諸方不得道  
保寧四綾塌地

靈前偃禪師偈云不露風骨句未語先分付進步口喃喃  
知君大罔措

白雲端云大衆雲門老人只解無佛處稱尊且不解移  
風易俗承天也捏一箇呈似大衆不露風骨句有鹽菓  
有醋憑君子細看九曲珠難度

曹山本寂禪師偈云莫行心處路不掛本來衣何須更與  
麼切忌未生時

琅琊覺云不傷物義一句作麼生道良久云庭前翠竹  
禪人種嶺上青松野客栽 松源岳云曹山與麼說話

且道是放行是把住復云一鏃破三關喝一喝

南臺安禪師僧問寂寂無依時如何師云寂寂底漚師有  
偈云南臺靜坐一爐香終日凝然萬慮忘不是息心除妄

想都緣無事可思量

資壽尼妙總云可惜南臺向死水裏浸殺當初若見與  
他一撥令渠別有生涯

龍牙道禪師偈云學道如鑽火逢煙未可休直待金星現  
歸家始到頭金華

神鼎諍云神鼎即不然學道如鑽火逢煙即便休莫待  
金星現燒脚又燒頭且道神鼎恁麼道爲當違古人順  
古人別有道理汝道恁麼去底人好恁麼來底人好到  
這裏須具衲僧眼始得莫受人瞞 翠巖真云若論頓  
也龍牙正在半途若論漸也神鼎猶少悟在於此復且  
如何諸仁者今年多葉落幾處掃歸家

龍牙偈云一切名山到因脚辛苦年深與襪著如今老大

不能行手裏把柄破木杓

白雲端云龍牙老人可謂熟處難忘 五祖演云白雲

即不然脚也不能著草鞋手亦不能把木杓端坐受供

養施主常安樂 徑山杲云白雲恁麼道大似以已方

人杲上座即不然家貧難辦素食事忙不及草書

龍牙偈云萬般施設不如常又不驚人又久長如常恰似  
秋風至無意涼人人自涼

水庵一云古人恁麼說話平地上死人無數過得荆棘

林方爲好手且道荆棘林作麼生過舉手攀南斗移身

倚北辰出頭天外看須是箇般人

梁山觀禪師悟道偈云昔時珍寶被塵埋何事今朝出故  
懷參道喜明無說句通玄不是意中猜一炷定光輝法界

萬重塵網豁然開超今異古終難况幸感西湖特地來  
神鼎譚云諸上座古人恁麼道意在於何且問諸人作  
麼生是昔時珍寶試對衆道看道得神鼎與你酬箇價  
數若道不得猶如糞土

法眼益禪師偈云山水君居好城隍我亦論靜聞鐘角響  
閑對白雲屯

五祖演云大衆法眼雖不拏雲護霧爭奈徧地清風四  
面今日試與法眼把手共行靜聞鐘角響且不是聲閑  
對白雲屯且不是色既非聲色作麼生商量乃云洞裏  
無雲別有天桃花似錦柳如煙僊家不解論冬夏石爛  
松枯不記年

法眼偈云物物到心上心全物自閑古今城郭裏得者住

如山

塗毒策云此是古人挨排得底緣他履踐得到供一語  
實狀若是山僧即不然無物到心上從來體自閑城頭  
聞畫角滿眼是湖山

法眼偈云見山不是山見水何曾別山河與大地都是一  
輪月

承天嵩云大小法眼禪師未出涅槃堂三交即不然見  
山河與大地錐刀各自用

龍濟修山主偈云風動心搖樹雲生性起塵若明今日事  
暗却本來人

蔣山泉云修山主錐甚奇性祇解抱橋柱溪洗山僧即  
不然雲生洞裏陰風動林間響若明今日事半斤是八

兩 古德云今日即且置作麼生是本來入良父云鶴  
有九臯難翥翼馬無千里謾追風

龍濟偈云二破不成一一法鎮長存若作一二會永劫受  
沈淪

應庵筆云坐殺修山主也直饒不作一二會不兒入驢  
胎馬腹是汝諸人十二時中行住坐卧還知放身命處  
麼豈不見道不是河南便是河北喝一喝

天台韶國師住通玄峰有偈云通玄峰頂不是人間心外  
無法滿目青山

法眼聞得乃云只此一偈可以起吾宗 徑山杲云滅  
却法眼一宗只緣此一偈

雪竇禪師偈云春山疊亂青春水漾虛碧寥寥天地間

獨立望何極乃顧問侍者云還有人守方丈麼云有師云  
作賊人心虛

白雲筆云大眾雪竇老人放去收來有舒卷乾坤之手  
然雖如是可似乾坤收不得堯舜不知名好法華今日  
恣俊不禁當爲古人出氣乃云山櫻火燄輝山鳥歌聲  
滑攜手不同途任他春氣發有天有地來幾箇眼睛活  
法華今日暫出更不著問侍者守方丈 松源云云云  
大小雪竇不覺曰楞楞地雖然如是路遙知馬力事久  
見人心

大愚芝禪師偈云橫眸看梵字彈舌念真言吹火長示不常  
柴生滿竈煙

東林顏云大愚老人經事多矣

古德偈云五蘊山頭一段空同門出入不相逢無量劫來  
賃屋住到頭不識主人公

老宿云既不識當初問甚麼人賃 天衣懷云恁麼拈  
也大遠在何故須知死人路上有活人出身處活人路  
上死人無數那箇是活人路上死人無數那箇是死人  
路上活人出身處若也檢點得分明拈却炙脂帽子脫  
却鶻鼻布衫

禪林類聚卷第八

禪林類聚卷第八



110X  
7  
19